



**Broj:**  
**Sarajevo, 27. 03. 2008.**

## M E D I J I M A

### **Haris Ihtijarević, predsjednik UO FBA, Zlatko Barš, direktor FBA**

Nakon provedene procedure u Parlamentu Federacije BiH imenovan je direktor Agencije za bankarstvo Federacije BiH (FBA), te novi članovi Upravnog odbora. Za direktora FBA ponovo je izabran Zlatko Barš, diplomirani ekonomista, koji je u svom dosadašnjem radu pokazao izuzetne sposobnosti u rukovođenju i visok stepen stručnosti.

U Upravni odbor Agencije za bankarstvo FBiH imenovani su: Haris Ihtijarević, Ljerka Marić, Jelka Miličević, Emir Silajdžić i Rajka Topčić. Za predsjednika UO FBA izabran je magistar ekonomskih nauka Haris Ihtijarević, a za zamjenika Ljerka Marić, također magistar ekonomskih nauka.

Na posljednjoj sjednici dosadašnjeg Upravnog odbora FBA, mr. Eldar Arnautović, predsjednik UO, rezimirao je aktivnosti u proteklom mandatnom periodu.

- Izuzetno dobrom koordinacijom, razumjevanjem, povjerenjem, profesionalnom i stručnom radu Upravnog odbora, menadžmenta i svih zaposlenih u FBA postignuti su izuzetni rezultati na ostvarenju osnovnih zadataka propisanih zakonima, podzakonskim aktima, donesenim odlukama, statutom, planovima i programima rada FBA. Udio Agencije u sređivanju, kontroli, dobronamjernim sugestijama i stalnim praćenjem poslovanja banaka je ogroman i, može se slobodno reći, nemjerljiv u uspješnom i profitabilnom poslovanju bankarskog sektora Federacije BiH, istakao je mr. Arnautović, dodajući:

- FBA, kao regulator i supervizor bankarskog sistema FBiH, tokom svog proteklog djelovanja u potpunosti je provodila svoju zakonom definisanu ulogu. To već dugo vremena ističu domaći, a naročito strani stručnjaci i institucije (OHR, MMF, Svjetska banka i dr.) kao projekat koji je u potpunosti uspio s primjenom u praksi, kako finansijskog, tako i ukupnog ekonomskog sistema. FBA je bila respektabilan, kreativni i korektivni faktor koji je usmjeravao i održavao sve tokove bankarskog sistema u željenom pravcu.

Zahvaljujući mr. Eldaru Arnautoviću, te dosadašnjim članovima UO FBA Obradu Piljku i Nevenu Tomiću na izuzetnoj aktivnosti u proteklom periodu (mr. Dragan Kovačević i Mirzet Ribić su ranije razriješeni dužnosti članova UO zbog odlaska na nove dužnosti), Zlatko Barš, direktor FBA, istakao je da je kontinuitet u radu Upravnog odbora FBA na doslijednoj primjeni odgovarajućih zakonskih propisa dao vrlo pozitivne efekte, te da su sva donesena podzakonska akta, odluke i rješenja, u bankama prihvaćene i provedene u djelo, što je dalo značajan doprinos dostignutom stepenu razvoja bankarstva u cjelini.

**Ured FBA za informisanje**